

verborum: quarta classis est eorum nominum, quae habent commune praefixum *ak*, et de quibus dubitari potest utrum nec ne a verbis derivata sint: demum quinta classis est eorum nominum, quorum unumquodque individuum formam ab aliis diversam habet, ac nulloatenus dici possunt derivata a verbis. De duabus postremis classibus nominum in praesenti loquendum est: de aliis alibi sermo erit. Exempla

titkat, *vir*, palki, *mulier*, aklsmaknik, *homo*, akulak *corpus*,
lkamu, *puer*, nasukwin, *prases*, aklu, *nix*, akwit *glacies*
wu'n, *aqua*, wilmal, *crotalus*, akukwat, *auris*, akuknuk *lacus*,
amak, *terra*, suak, *hannus*, akitlanam, *domus*, akaltam *filius*.

Plurima nomina substantiva cuiusvis classis suscipiunt suffixum *-am*, vel *-nam*. Suffixum istud dupliciter modificat significationem nominis. Primo dat nomini quoddam esse absolutum, quo fit ut nomina quae habent suffixum *am* non possint in se suscipere pronomen possessivum, quo ad alia nomina referantur. Sic ex nomine e. g. *akalt-am*, quod significat *filius* absolute, si vis derivare nomina quae significant *filius meus*, *filius tuus*, *filius eius*, debes prius abiicere suffixum *am*, et postea nomen componere cum particulis *ka*, *nis*, *is*, quae repraesentant pronomen possessivum, atque inde exurgent nomina relativa *ka-akalt*, *filius meus*; *akalt-nis*, *filius tuus*; *akalt-is*, *filius eius*.

Praeterea suffixum *am* coarctat nominis significationem ad hominem exclusive; ac proinde nunquam usurpabis nomen eiusmodi suffixo gaudens, cum sermo erit de re vel de bellua. Sic si tibi occurrat auris humana decisa ex corpore, illam appellabis *akukwat-nam*; si autem occurrat auris belluina dices *akukwat*. Hinc intelligis omnia et sola nomina, quae de homine dici possunt, assumere suffixum *am*.

Nomina substantiva praeter suffixum *am* possunt etiam assumere suffixum *mal*. Quoties aliquod nomen substantivum praedicatur de pluribus subiectis, et dum praedicatur de uno intenditur exprimi illud praedicatum esse commune alteri subiecto, usurpatur suffixum *mal*, inserto pronomine possessivo in nomine. Sic ex nomine